

Broj : 01- /12

Dana : 18.06.2012 godine

SKUPŠTINA KANTONA SARAJEVO
predsjedavajuća Skupštine

PREDMET: Poslaničko pitanje Pećanac Nermin-a, odgovor , d o s t a v l j a s e ;-

Poslanik Pećanac Nermin je na Petnaestoj Radnoj sjednici Skupštine Kantona Sarajevo, održanoj dana 30.05.2012 godine, u okviru tačke Dnevnog reda "Poslanička pitanja, inicijative i odgovori", ponukan mnogim natpisima u medijima oko zapošljavanja po raznim vezama u MUP-a, postavio je poslaničko pitanje:

Poslaničko pitanje 1:

„Ako se već tako može zapošljavati u MUP-a, a može se uvijek naći pravni okvir, zakonski okvir, ja to vjerujem, zašto se ne vrate na posao decertificirani policajci koji su 2001. i 2002. godine istjerani sa posla, a dobili su pravosnažne presude da nisu odgovorni za ono zbog čega su dobili raskid ugovora u MUP-u ?“

„Znam da je tu puno politike, uključen sam u to bio, znam da je dosta toga bilo mimo MUP-a, a sve se svalilo na MUP. Mislim da je sa tim decertificiranim policajcima počeo inače padati rejting policiji i tada se i pokazalo da je to poluvrijeme mafija sarajevska dobila. Neću spočitavati da pojedini natpisi u medijima da pojedini ministri koriste usluge tih mafijaša zbog kojih su ovi dobili raskid radnog odnosa tada. Ja samo tražim od MUP-a, zvanično kao pitanje, da pozove decificirane policajce tadašnje, obavi razgovor s njima, neki su se i zaposlili, taj period veliki je prošao, neće da se vrate, ali oni koji izraze želju da se vrate u MUP, da se vrate, jer imaju zvaničnu pravosnažnu presudu da nisu odgovorni za ono što im se stavljalo na teret i zbog čega ih je IPTF uklonio, odnosno decertificirao iz MUP-a i mislim da bi to bio prvi korak u povrat vjere u pravdu da se ipak nakon toliko godina može ipak nešto desiti ono što je dobro, a mi znamo kolika je nepravda prema tim ljudima načinjena. Ne našom greškom, ne našom željom, ali stranci su tada bili jači od nas i imali su veća ovlaštenja nego što ih imaju sada.“

Odgovor na poslaničko pitanje:

Obavještavamo Vas da je Odlukama Komesara IPTF-a oduzet certifikat za 70 uposlenika Ministarstva unutrašnjih poslova Kantona Sarajevo, koji su obavljali policijske poslove. Navedene odluke su donesene po različitim osnovama kao što su: narušavanje javnog reda i mira, teške povrede službene dužnosti, ne poštivanje ljudskih prava, ne pridržavanje zakona, ne dostavljanje validnog dokaza o obrazovanju, nepropisno obavljenog pretres u ugostiteljskom objektu "Zujevina" i td.

Postupak i uslovi zasnivanje radnog odnosa decertificiranih policajaca u svojstvu policijskog službenika omogućen je donošenjem Zakona o izmjenama i dopunama Zakona o policijskim službenicima Kantona Sarajevo ("Službene novine Kantona Sarajevo", broj: 4/08), koji je odredbama člana 7. stav (3) propisao mogućnost osobama kojima je UN/IPTF odbio certifikaciju da učestvuju u procedurama zapošljavanja u ovom Ministrastvu.

U ovom Ministarstvu trenutno je uposleno troje decertificiranih policajaca, dvojica na poslovima policijskih službenika i jedan na poslovima namještenika.

S poštovanjem,

MINISTAR

Dr.Sci. Muhamed Budimlić